

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-2150-4/21

Datum: 09.06.2021.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka b) i stav (2) tačka a) i d), a u vezi sa članom 70. stav (1), (4) i (6) Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-30-1-1859 od 08.04.2021. godine, u postupku javne nabavke redovnog održavanja motornih vozila u garantnom roku, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU

o poništenju postupka javne nabavke LOT 2, LOT 3, LOT 4, LOT 5 i LOT 6

I

Poništava se postupak javne nabavke redovnog održavanja motornih vozila u garantnom roku za potrebe Uprave policije Ministarstva unutrašnjih poslova Kantona Sarajevo, i to:

- LOT 2 – redovno održavanje motornih vozila u garantnom roku marke Piaggio
- LOT 3 – redovno održavanje motornih vozila u garantnom roku marke Toyota
- LOT 4 - redovno održavanje motornih vozila u garantnom roku marke Peugeot
- LOT 5 - redovno održavanje motornih vozila u garantnom roku marke Citroen
- LOT 6 - redovno održavanje motornih vozila u garantnom roku marke Fiat.

II

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu odluke broj: 02-11-4-2150/21 od 23.04.2021. godine i Obavještenja o nabavci broj: 16475-1-2-22-3-42/21 od 28.04.2021. godine, proveden je otvoreni postupak javne nabavke redovnog održavanja motornih vozila u garantnom roku za potrebe Uprave policije Ministarstva unutrašnjih poslova Kantona Sarajevo.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-2150-3/21 od 07.06.2021. godine, kojim je utvrdila slijedeće:

- da za LOT 2 - redovno održavanje motornih vozila u garantnom roku marke Piaggio je pristigla jedna ponuda ponuđača MOTO SERVIS AB d.o.o. Sarajevo. Ponuda nije numerisana i parafirana u skladu sa tačkom 15. tenderske dokumentacije. U tački 15. stoji: „Sve stranice (listovi) ponude moraju biti numerisane i parafirane.”

Obrazac za cijenu ponude (Aneks II) nije pravilno ispunjen. Naime, u koloni „Normativ rada u satima“, za pojedine stavke ponuđač je stavljao za jedinicu mjere minute, npr.: u stavci pod rednim brojem 1. „30 min“.

Takođe, tačkom 13.1. sposobnost obavljanja profesionalne djelatnosti (član 46. Zakona) traži se dostavljanje dokaza: „Rješenje o upisu u sudski registar, aktuelni izvod iz sudskog registra ili ekvivalentan dokument iz kojeg je vidljivo da ima pravo da se bavi djelatnošću koja je predmet nabavke (original ili ovjerena kopija ne stariji od tri mjeseca, računajući od dana dostavljanja

ponude)“. Ponuđač MOTO SERVIS AB d.o.o. Sarajevo je dostavio rješenje o izmjenama podataka broj: 065-0-Reg-19-000986 od 05.03.2019. godine i bez ovjere. Dokaze tražene tačkom 13.2. ekonomsko-finansijska sposobnost (član 47. Zakona) i tačkom 13.3. tehnička i profesionalna sposobnost (član 50. Zakona) ponuđač u svojoj ponudi nije dostavio.

U skladu sa naprijed navedenim, ponuda ponuđača MOTO SERVIS AB d.o.o. Sarajevo nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

U postupku predmetne javne nabavke Komisija je blagovremeno i pravilno organizovala otvaranje ponuda, o čemu je sačinila Zapisnik broj: 02-11-4-2150/21 od 20.05.2021. godine.

Zapisnički je utvrđeno da nije dostavljena nijedna ponuda u određenom krajnjem roku za:

- LOT 3 – redovno održavanje motornih vozila u garantnom roku marke Toyota
- LOT 4 - redovno održavanje motornih vozila u garantnom roku marke Peugeot
- LOT 5 - redovno održavanje motornih vozila u garantnom roku marke Citroen
- LOT 6 - redovno održavanje motornih vozila u garantnom roku marke Fiat.

U postupku donošenja ove odluke je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, primjenom člana 69. stav 1. tačka b) i stav 2. tačka a) i d) Zakona o javnim nabavkama („Službeni glasnik BiH“, broj: 39/14), riješeno je kao u dospozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH.

POLICIJSKI KOMESAR
Generalni inspektor policije

Nusret Selimović

Dostaviti:

1. Sektoru za materijalno-finansijske poslove
2. Ponuđaču
- ③ Odjeljenju za odnose s javnošću, radi objave na web stranici ovog organa
4. a/a